



Mónica González Pavón, secretària generau deth Conselh Generau d'Aran,

CERTIFIQUI:

Qu'eth Conselh de Govèrn, en session extraordinària de 5 d'agost de 2025, adoptèt, entre d'auti, er acòrd següent e que transcrit literaument ditz:

“1èr.- APROBACION, SE PROCEDÍS, DETH PLEC DE CLAUSULES ADMINISITRATIVES PARTICULARES, DER EXPEDIENT DE CONTRACTACION E DERA LICITACION DES SERVICIS DE “GESTION E REMASSADA DE RESIDUS NON PERILHÒSI” MEJANÇANT PROCEDIMENT DUBÈRT SUBJÈCTE A REGULACION ARMONIZADA, DAMB TRAMITACION ORDINÀRIA [GESTION AMBIENTAU E TRANSICION ENERGÉTICA].- (Exp. num. 3106-0001/2025)

Vista era prepausa deth conselhèr de Gestion Ambientau e Transicion Energetica, eth Mgfc. Sr. Oriol Sala Sánchez pes motius que s'i descriuen.

Vist eth Decret de Sindicatura num. 0425/2025 de 30 de junhsèga, en quau se demane informe per part dera Secretaria Generau e dera Intervencion de Hons.

Vist er informe favorable de Secretari de data 30 de junhsèga de 2025.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars redactat.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament deth servici a contractar ei previst ena aplicacion pressupostària num. 2025/01.1623.209.01 deth pressupòst generau vigent entar exercici 2025.

Cossent damb çò que dispausen es articles 17, 25, 28, 116, 117, 118.1, 122, 156 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govèrn aprovar eth Plec de clausules administratives particulars, er expedient de contractacion atau coma era licitacion deth servici nomenat, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 19 d'agost de 2023 e DOGC num. 8980, de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des tres (3) membres presents deth totau de quate que formen aguest organ collegiat:

Prumèr.- Aprovar iniciaument eth Plec de clausules administratives particulars qu'a de regir era contractacion des servicis de “*Gestion e remassada de residus non perilhosi*”, plec que s'adjunh coma annèxe en expedient e que demorarà a disposicion des persones fisiques e/o juridiques interessades, atau coma era despena corresponenta ad aguesta



Conselh Generau d'Aran

contractacion per un pressupòst totau tres cents cinquanta dus mil euros (352.000,00 €) IVA includit, damb eth desglossament següent:

- Tres cents vint mil euros (320.000,00 €) en concèpte de pressupòst net e,
- Trenta dus mil euros (32.000,00 €), en concèpte d'IVA ath 10%

Dusau.- Aprovar er expedient entara contractacion des servicis de "*Gestion e remassada de residus non perilhosi*", mejançant procediment dubèrt subjècte a regulacion arminitzada, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

Tresau.- Dispausar era dubertura deth procediment dubèrt de contractacion, en tot procedir ara publicacion der anonci de licitacion en perfil deth contractant e en DOUE en tot daurir en aguest moment eth tèrme de trenta (30) dies naturaus entara presentacion d'aufèrtes, cossent damb çò que dispausa er article 156 LCSP.

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà hèr efectives era tramitacion e execucion des acòrds anteriors."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb eth visteplatz dera Sindica.

Vielha, *signat electronicament*

Vist e platz
Era Sindica

Maria Vergés Pérez